



**ҚАЗАҚСТАН РЕСПУБЛИКАСЫНЫҢ  
ҰЛТТЫҚ БАНКІ  
№ 89 Б А С П А С Ө З Р Е Л И З І**

**ҚР Ұлттық Банкі Исламдық қаржы институттарының  
бухгалтерлік есебі мен аудиті жөніндегі ұйымға және  
Халықаралық исламдық қаржы нарығына кіреді**

**2014 жылғы 2 желтоқсан**

**Манама қ.**

ҚР Ұлттық Банкі Исламдық қаржы институттарының бухгалтерлік есебі мен аудиті жөніндегі ұйымға (The Accounting and Auditing Organization for Islamic Financial Institutions) және Халықаралық исламдық қаржы нарығына (International Islamic Financial Market) кірді. Аталған халықаралық исламдық қаржы ұйымдарындағы мүшелік Ұлттық Банкке исламдық қаржы институттарының бухгалтерлік есебі мен аудитіне арналған стандарттарды әзірлеу, сондай-ақ исламдық қаржы құралдарының құрылымдары мен келісімшарттарын стандарттау, исламдық қаржы институттарының өтімділігін басқару мәселелерінде білікті түрде көмек алуға мүмкіндік береді.

Кіруге арналған өтінім Манама қаласындағы (Бахрейн) 21-ші жыл сайынғы Дүниежүзілік исламдық банк конференциясы шеңберінде берілді. Конференция барысында ҚР ҰБ Төрағасының орынбасары Нұрлан Құсайынов әлемдегі исламдық қаржыландыруды дамытудың жаңа парадигмасы туралы сөз сөйледі, сондай-ақ Қазақстандағы исламдық қаржының ағымдағы жағдайы және даму перспективалары туралы ой түйіндеді.

Конференция шеңберінде өзара тиімді ынтымақтастық мәселелері, сондай-ақ исламдық қаржы секторын реттеу саласындағы Бахрейннің тәжірибесін зерделеу мүмкіндіктері талқыланған Ұлттық Банк делегациясының Бахрейн Орталық Банкінің өкілдерімен кездесуі болып өтті.

Дубай қаласына (БАӘ) жасалған сапар барысында Төрағаның орынбасары бастаған Ұлттық Банк делегациясы Dubai International Financial Centre Authority және Dubai Financial Services Authority өкілдерімен кездесулер өткізді. Кездесулер шеңберінде Алматы қаласының өңірлік қаржы орталығын дамыту, жұмыс істеу және реттеу саласындағы ынтымақтастықты

ретке келтіру мәселелері талқыланды. Dubai International Financial Centre Authority өкілдері өңірлік исламдық қаржы хабы ретінде Алматы қаласын дамыту мәселелерінде Ұлттық Банктің рөлін жоғары бағалады.

**Анықтама үшін: 21-ші Дүниежүзілік исламдық банк конференциясы Бахрейн Корольдігі Премьер-министрі, Халиф бин Салман аль-Халиф Ханзаданың патронажымен және Бахрейн Орталық Банкінің қолдауымен өткізілуде.**

Дүниежүзілік исламдық банк конференциясы 21 жыл ішінде 50-ден астам елден ислам қаржы саласының 1 000 астам көшбасшысының қатысуымен өтетін исламдық қаржы индустриясымен байланысты ең ірі халықаралық іс-шаралардың бірі ретінде танылды.

Бұл конференцияға қатысу исламдық қаржы институттарын дамыту мен реттеудің тиімді нұсқаларын анықтауға, сондай-ақ капиталдың ислам нарығы, қаржылық қызметтер индустриясы дамуының үрдістері жөніндегі толық және өзекті ақпаратты алуға және т.б. мүмкіндік береді.

**Dubai International Financial Centre (DIFC)** Дубай қаласында (БАӘ) орналасқан федералдық еркін қаржы аймағы болып табылады. DIFC-тің стратегиялық дамуын, жедел менеджментін және басқаруын бақылайтын **DIFC Authority** қаржы орталығының негізгі басқарушы органы болып табылады.

**Dubai Financial Services Authority** – DIFC аймағында өзінің қаржылық және кәсіптік қызметтерін көрсететін, заңды тұлғалардың қызметін лицензиялау, тіркеу және реттеу үшін құрылған қаржылық қызметтердің тәуелсіз реттеушісі.

Толығырақ ақпаратты мына телефондар бойынша алуға болады: +7 (727) 2704 639, +7 (727) 2704 585, +7 (727) 3302 497, e-mail: [press@nationalbank.kz](mailto:press@nationalbank.kz), [www.nationalbank.kz](http://www.nationalbank.kz).